



UNIVERSITÄTS-
BIBLIOTHEK
PADERBORN

Universitätsbibliothek Paderborn

Dissertationes Juridico-Theologicæ De Jure, & Justitia

Karchne, Simon

Augustæ Vindelicorum ; [Graz], 1714

§. VIII. An contractus ex errore, aut dolo initus valeat transferre dominium?

urn:nbn:de:hbz:466:1-40013

per transitum ex statu conditionato ad absolum quem notitia non facit, ut liquet in matrimonio contracto per Procuratorem ignorante Principali *Cap. fin. de procurat. in 6.* & ita tradit Sanch. n. 6.

Quod si ante eventum conditionis alter consensum revocet, judico omnino matrimonium tale non transire in absolum sine novo utriusque consensu, quia matrimonium contrahitur mutuo moraliter simultaneo consensu utriusque contrahentis *per cit. Cap. fin.* proinde absolutus unius consensus supponit absolutum consensum alterius, qui consensus deficit, si pendente conditione sit revocatus, imo id ipsum sentio de reliquis contracti-

bus conditionatis; quia nemo prudens supponitur aliter consentire in contractum, nisi secundum naturam contractus: sed hujus natura est reciprocus consensus, ergo nemo prudens consentit sine reciproco consensu, sed sub conditione, si alter consentit, atqui non consentit, dum fingit consensum, aut pendente conditione revocat habitum, aut laborat impedimento irritante contractum. Ex quibus sequitur, quod praetitus consensus alterius non revocantis, aut non fингentis, aut ignorantis impedimentum non perseveret moraliter; dum iste suum revocat, aut fингit, aut habet impedimentum irritans.



§. VIII.

An contractus ex errore, aut dolo initus valeat transferre Dominium,

226. Erroris nomine venit judicium fallum de re contrahenda, si det causam contractui, seu causer voluntatem contrahendi, dicitur error antecedens, incidens vero in contractum, seu concomitans illum, quando contractus poneretur, licet abesset error. Contractus prædicata sunt substantialia, aut accidentalia, substantialia sunt, quæ convenient actui spectato præcisè secundum suum principale objectum, talia enim non supponunt actum in esse moris, sed constituant, quæ verò actum supponunt am constitutum in genere moris, dicuntur accidentalia, quia actui tum in esse

physico, seu naturæ, tum in esse morali accidunt v. g. in contractu matrimoniali cum Caja divite, vel Nabili, vel Virginie, &c. prædicatum actus quatenus volentis Cajam in uxorem est substantia, quia non supponit actum in aliqua specie morali constitutum, sed eam constituit: prædicatum actus ut volentis qualitatem divitarum, vel Nobilitatis, &c. est accidens præsupponens actum in sua specie spectante ad mores jam perfectum, nisi contrahens suam primariam voluntatem restringeret ad aliquam qualitatem E. g. ad divitias, hoc est, intenderet non contrahere, nisi sit dives, tunc divitiae fo-

gent

rent objectum partiale substantiale: universaliter enim omne illud est de substantia actus, ad quod intentio est restricta tempore contractus, nisi enim illud praedictum subsistat, non habetur actus in tali specie intentus.

Cum autem intentio contrahendi largissima, id est ad nullum aliud praedictum restringens, quam illud, quod aut verba contrahentium significant, aut quod oculis cernitur, preferat occasionem infirmitatis fraudibus ad simplices decipiendos, strictissima verò, seu talis, quam nolit valere actum contractum qualicunque errore interveniente ferè omnes contractus essent aut irriti, aut saltem dubij, sequitur medium in hoc esse tenendum, proinde intentio, nec debet esse nimis extensa, nec nimis restricta: cum itaque ipsa natura contractus non decernat, quid ex parte rei spectet ad ejus substantiam, quid non, regula hujus aliunde inquirenda est.

Haunoldus tract. 8. num. 78. statuit hanc: omne illud praedictum spectat ad substantiam contractus, ad quod ex communi hominum usu, aut legis dispositione presumitur saltem implicite, & virtualiter restricta contrahentis intentio. Ratio, quia substantia omnis contractus pendet ab aliqua intentione, non à largissima, nec à strictissima, ut dictum, ergo à media per regulam expositum.

Hinc fieri potest, ut error circa idem praedictum in uno contractu sit substancialis E. g. in matrimonio esse filiam, aut primogenitam Principis, secùs in venditione, &c in qua non attenditur personæ qualitas, haec tamen communiter in donatione est substancialis. Merito igitur inquit Sanch. pendere à consuetu-

dine, & voluntate contrahentium, an error sit substancialis, aut accidentalis.

Ex his inferatur errorem esse substancialem, si loco equi visi à te generosi, & empti tradatur alius simillimus, sed non generosus, quia attento hominum usu allegasti animum praedicto individuali generositatis.

Similiter audiens laudari filiam Titij nunquam à te visam esse bonæ famæ, & fortunæ, si peteres eam in uxorem, & ejus loco subrogaretur filia Caij, & que formosa, ac famosa, matrimonium fore nullum, uti nec si Nobilis querat sponsam eique offeratur elegans puella cum addito esse nobilem, si tamen non sit, quia Regulariter inquit Pallavicinus in matrimonio inter personas ejusdem conditionis voluntas alligatur Prædicato individuali morali, ut esse ex tali familia, &c.

Dolus distinguitur duplex L. 1. ff. de dolo malo, in bonum & malum: Bonus juxta S. Thom. 2. 2. q. 118. Art. 8. Situs est in solertia ad inveniendum drepente id, quod congruit, nempe ad repellendas fraudes, malasque artes ad se, suave, aut aliena tuenda. Hic dolus licitus est: nam eo usus est Apostolus Corinth. 12. Cum essem astutus, dolo vos capi, sermo igitur hic est de malo in negotijs interveniente, qui cit. L. definitur: Omnis calliditas, fallacia, machinatione ad circumveniendum, fallendum, & decipiendum alterum adhibita.

Dolus sicut error potest accidere, vel circa substantiam, vel circa accidentia, & quidem aut ab altero contrahente, aut à tertio ad contractum non spectante. Quando est circa substantiam aut non, servanda est Regula data de errore, & sicut

F f 2

sicut hic; aut est antecedens contractum, aut incidens in illum, ita dolus antecedet, si doloso consilio inducas ad contrahendum alias non contractum, incidet, si alias inire volentem in pretio aut alio quopiam circumvenias. His prænotatis.

227. Certum est etiam jure naturali nullum contractum sive gratuitum, sive onerosum, sive fidei bona, sive stricti juris initum ex errore, aut dolo contrahentis, aut tertij versante circa substantiam valere. Ratio: quia deficit consensus, si quidem celatur objectum à contrahente intentum. Unde donatio aurei existimati, quod sit grossus est nulla. Doctrina procedit etsi error aut dolus sit concomitans, quia etsi contractus adhuc celebraretur, hic & nunc tamen non celebratur def. & actualis consensus.

Dico primò nullum contractum onerosum bona fidei, aut stricti juris initum ex errore, aut dolo, sive hic sit contrahentis, sive tertij commissio solum circa qualitatem esse jure naturali irritum. Est communis cum Haunold, tract. 8. num. 83. Contra Rebellum. Probatur quia adest consensus in substantiam; hæc enim non ignoratur sed accidens, cuius ignorantia, aut circa id dolus non obest, alias in numeri contractus, & matrimonia forent irrita inita cum persona fingente se nobilem, vel divitem, vel Virginem, &c.

Dixi onerosum: quia gratuitus quando error aut dolus est circa causam motivam est invalidus: causa enim motiva alligatur intentio: ita Molina Disput. 209.

Hinc jure naturæ est irrita omnis liberalis Promissio, donatio, legatum,

heredis institutio ex causa motiva non subsistente, quapropter communior sententia cum Amico Tom. 4. Disput. 31. num. 159. ex Vasq. contra Coningk. Sunt docet pauperem factum Eleemosynas non facere suas def. & a motivi principali, qui est sublevatio alienæ misericordiæ.

Ex eodem principio constat ex recepta sententia irritas esse dispensationes, privilegia, & alias gratias deficiente causa principali motiva allegata.

228. Dico secundò spectato jure positivo contractus indissolubiles, ut professio, & matrimonium facti cum errore aut dolo circa qualitatem non redundantem in substantiam irrevocabiliter obligant utramque partem. Sequitur hoc ex conclusione prima (nisi expressè alligata sit intentio qualitati per n. 226.) ita Sanch. L. 7 de matrim. Disput. 18. num. 18. ex cap. cum in Apostolica 18. de Sponsal. & matrim. Ubi Urbanus III. approbat matrimonium, cui dosolum mendacium causam dedit.

Reliqui contractus natura sua dissolubiles stricti juris pariter non sunt ipso jure irriti, etsi eos dictus error, aut dolus accidentalis præcesserit, ita multi cum Less. L. 2. c. 17. n. 31. contra Bonacin, & alios apud. Lugo Disput. 22. n. 70. contra quos aperie stat pro nobis §. primus insit. de exceptionibus.


De contractibus bona fidei communis Theologorum, & Juristarum vult esse irritos cum Bartolo, Abbatte, Molin. Disput. 352. per L. in causa 15. ff. de minoribus, in cuius §. I. à minore dolo circumvento contracta Societas dicitur nulla: consonat L. eleganter 7. §. 3. ff. de dolo & L. ea verò 3. §. 3. ff. profocio. Sed

Sed affirmandum est etiam hos valeat ex communiore Theologorum cum Lugo n. 77. ex L. rem alienam 28. ff. de contrahenda emptione, & L. qui vas 48. ff. de furtis: in priore rei alienæ utique venditoris dolo obtrusæ emptio tenet, in posteriore fuit pretij pro re furtiva accepti fieri Dominus assentitur, ergo valeat contractus: sed emptio & venditio est contractus bonæ fidei. Ratio autem est, quod probabiliter omnes contractus dissolubiles jure naturali claudicent, id est, ex parte deceptoris sint irrevocabiles, ex parte vero decepti ad hujus libatum possint rescindi, quamdiu autem non rescinduntur, obligant, ergo cum iurium correctio sit evitanda in dubio positivum jus ita est exponendum, ut minime à naturali recedant, ergo cum nul-

lus textus juris positivi manifestè irritet contractum ullum, etiam fidei bona iniunctum cum errore, & dolo accidentalis standum est etiam de jure positivo eos valere. Dixi probabiliter ob dicta n. 53.

Ad oppositæ sententiæ textus respondetur, quod prior & posterior verificetur Societatem esse nullius momenti ex parte decipientis, ut hic nullum jus acquiratur, obligetur tamen in conscientia servare contractum decepto volente.

Limita dicta de dolo accidentalis, si hic à tertio commissus sit non faciente unam moraliter personam cum contrahente non potest resilire à contractu deceptus, quia tunc nullam patitur injuriam ab altero contrahente, ergo nolente hoc non potest resilire, sed habet solum actionem contra deceptorem, Lugo n. 83.



§. IX.

Practicæ resolutiones circa contractus ex errore aut dolo initios.

229. **Q**uæres primò an si post contractum initium se objiciat difficultas, quæ initio objecta impedivisset contractum, liceat eam ignorantie resiliere? quæstio est magni momenti: quia interdum rescinditur contractus propter aliqua nova emergentia antecedenter ignota, aliquando vero non: desideratur igitur regula generalis discernendi?

Resp. Non subsistere regulam ab aliquibus assignatam apud Sanch. hanc, quoties occurrit aliquid, quod ab initio

cognitum à contractu abstraxisset; toties contractus ab initio initius fuit invalidus, quia, ut fortiter impugnat, L. 4. in De cal. c. 2. à num. 18. Sequeretur plurima matrimonia, & professiones religiosas invalidas fore, aut in dubium vocari posse ob difficultates non prævisas efficaciter retrahentes, unde ipse loquens de professione, & voto non faciente religiosum negat obligare superveniente notabili rerum mutatione. Lugo Disput. 22. num. 87. distinguit inter contractus gratuitos,

Ff 3